



**PREDSJEDNIK KLUBA ZASTUPNIKA
STRANKE ZA BOSNU I HERCEGOVINU
MUAMER BANDIĆ
muamer.bandic@ks.gov.ba**

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA**

Predsjedavajući Skupštine Kantona Sarajevo

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

ZASTUPNIČKU INICIJATIVU

Na osnovu uočenih potreba stanovnika naselja Alipašino Polje – C faza, pokrećem inicijativu prema Ministarstvu zdravstva Kantona Sarajevo i Javnoj ustanovi “Dom zdravlja Kantona Sarajevo” da obezbjedi još jedan tim porodične medicine u ambulanti Alipašino Polje – C faza.

O B R A Z L O Ž E N J E

U navedenoj ambulanti trenutno funkcioniše samo jedan tim porodične medicine, dok je broj aktivnih medicinskih kartona dostigao 2.101. Imajući u vidu da naselje Alipašino Polje – C faza broji više od 7.000 stanovnika, evidentno je da postojeći kapaciteti nisu dovoljni da zadovolje stvarne potrebe stanovništva.

Preopterećenost postojećeg tima dovodi do dugih perioda čekanja, stvaranja gužvi u ambulanti, negodovanja pacijenata, te povremenih situacija koje narušavaju red i rad u zdravstvenoj ustanovi. Takvo stanje otežava obavljanje poslova medicinskog osoblja i negativno utiče na kvalitet i dostupnost zdravstvene zaštite građanima.

Formiranjem drugog tima porodične medicine u ambulanti Alipašino Polje – C faza:
poboljšali bi se uslovi rada medicinskog osoblja,

smanjile bi se gužve i vrijeme čekanja pacijenata,
osigurala bi se kvalitetnija, brža i dostupnija primarna zdravstvena zaštita,
povećao bi se broj registrovanih pacijenata koji bi zdravstvenu zaštitu ostvarivali u svojoj
mjesnoj ambulanti.

Imajući u vidu navedene činjenice, kao i standarde primarne zdravstvene zaštite koji propisuju
optimalan broj pacijenata po timu porodične medicine, predlažem da se odobri dodatni tim porodične
medicine u ambulanti Alipašino Polje – C faza, u što skorijem roku.

PREDSJEDNIK KLUBA
ZASTUPNIKA STRANKE ZA BiH

14.03.2025. godine

